

Mixtis sensim instilla

Acidi sulphurici concentrati rectificati Unciam unam.

2.

Serva.

### Mixtura sulphurico-acida.

(Elixir acidum.)

℞. Spiritus Vini rectificatissimi Uncias tres.

Successive instilletur

Acidi sulphurici concentrati rectificati Unciam unam.

Serva.

### Mixtura vulneraria-acida.

(Aqua vulneraria Thedenii.)

℞. Aceti crudi Libras tres, *℥i.*

Spiritus Vini rectificati Libram unam cum dimidia, *℥ss.*

Acidi sulphurici diluti Libram dimidiam, *℥i. ℥ss. ℥i.*

Mellis despumati Libram unam. *℥i. ℥ss.*

Misce.

*℞: 375.  
" 180.  
" 6℥.  
" 128.  
" 7℥4*

### Natrum aceticum.

(Terra foliata Tartari crystallisata.)

℞. Natri carbonici quantum vis,

Acidi destillati quantum ad saturationem requiritur.

Liquor filtratus et in vase stanneo ad crystallisationis momentum evaporatus, loco seponatur temperato. Crystallulos natos collige et serva.

Natrum

**Natrum carbonicum Crystallisatum.**

(*Alkali minerale. Sal Sodae.*)

℞. Natri, quale sub nomine Sodae prostat, quantum placet.

Contritum solvatur in Aqua fervida. Lixivium filtratum et ad crystallisationis punctum evaporatum, seponatur loco frigido, ut crystallos demittat, quae tam diu colligantur, quam purae prodeunt.

**Natrum carbonicum siccatum.**

Crystallos Natri carbonici, grossiuscule tritas, aprico aut moderato hypocausti calori expone, donec in pulverem perfecte siccum fatiscant.

**Natrum phosphoricum.**

(*Soda phosphorata.*)

Acido phosphorico ex Ossibus, de quo suo loco, ejus depuratione per Spiritum Vini ad hunc finem supersedere licet, Aquae calidae Octuplo diluto, addatur sensim

Natri carbonici, in Aqua soluti, donec hoc aliquatenus praevaleat. Liquor filtratus ad crystallisandum evaporet. Crystalli collectae in vase clauso servantur.

**Natrum sulphuricum crystallisatum.**

(*Sal mirabile Glauberi.*)

Residuum salinum, ex destillatione Acidi muriatici obtentum, conteratur, et in Aqua communi coctione solvatur; addendo Natri carbonici, quantum requiritur ad perfectam saturationem Acidi, plerum-

que adhuc praevalentis. Liqueor salinus filtratus evaporet, et loco frigido ad crystallisandum seponatur.

Simili modo Lixivium, praecipitatione Magnesia, Natro carbonico adhibito, obtentum, dat Natrum sulphuricum, evaporando et crystallisando.

### Natrum sulphuricum siccatum.

Paratur uti Natrum carbonicum siccatum.

### Oleum Absinthii aethereum.

℞. Summitatum Absinthii vulgaris, cum Semine fere maturo, modice, siccatarum, Libras duodecim, Aquae communis Octuplum.

Fiat destillatio ex vesica, sub continua aquae ebullitione, quandiu Aqua Oleo gravida prodit. Obtentum Oleum separetur. Aqua stillatitia supra novam Absinthii copiam, addendo Aquae communis quantitatem sufficientem, destillet, et Oleum auferatur: haec operatio toties repetatur, donec Olei desiderata quantitas obtenta fuerit.

Eodem modo parantur:

Oleum Baccarum Juniperi;  
 Corticum Aurantium;  
 Florum Lavendulae;  
 Herbae Majoranae;  
 Menthae crispae;  
 Menthae piperitae;  
 Origani cretici;  
 Roris marini;  
 Sabinae;